

Willie, 13j.



suechet äs nöiis Daheime (ebeärdig) mit Freigang

Liebi Tierfründe

Gstatte, Mr Willie Sutton. Dir heit richtig gläse: wie dr Uusbrächerkönig. Abr Dir dörftit Willie säge. Ig bi uf dr Suechi nach eme nöiie Daheime. Warum? Bi üs cha ig nur übr es Leiterli nach dusse, das mag ig abr nid, ig ha Arthrose, chlättere isch gar nid Mis. U immr nur dinne odr warte, bis sy mit mir usse gah, das geit gar nid. Da muess ig proteschtiere. Itze sueche ig öppis Ebeärdigs mit Törli. Drum!

Ig bi 13jährig, kaschtriert, gimpft, chipped u gsung bis uf mini Arthrose. Isch wou e Autersbräschte. Ig bechumme drum siit Churzem jäde Monät e Schprütze. U das wirkt scho, ig bi scho wiedr viu bewäglichler u mag ou wiedr meh loufe u schpiue. Ig bi sähr mönschebezoge u aahänglech. Ig liebes, mit mim Mönsch z'schpaziere gah u bi ihm i sim Bettli z'pfluuse. Ig höre uf min Name u chumme, sobaud sy mi rüefe. Bi Frömndi bin ig abr ziemlech schüech, eigentlech bin ig grundsätzlech es bitzeli ängschtlech, we's luut wird odr öppis passiert, wo ig nid chenne. Trotdäm wiu u muess ig usse, das isch mis Läbe. Abr ig geh nid wiit, bi doch e chliine Schisshaas. Sowiit so guet, nur, ig muess es säge: ig markiere siit Längerem immr mou wiedr dinne. Wou wägem Schträss u wiu ig nüm usse cha, wie ig wott. Usse gah u derfür nüm meh markiere, das wär doch e Deal, odr?

Ig sueche drum äs ruhigs Plätzli aus Einzelprinz bi chatzeerfahreni geduudige Lüüt, die wo mir Freigang ir verchehrsarme Umgäbig chönnt biete, ebeärdig, durchs Törli düre. Ohni Ching, Hung u angeri Chatze. Bi liebi Lüüt, die wo mir e zwöiti Chance gäbe u no mou mit mir vo vorne wönnt aafang. Bisch Du villiicht pensioniert odr sunsch viu daheime? U hasch Du villiicht sogar en Garte ums Huus ume? MIN Garte? Das wär's! Denn müesset mir üs unbedingt lehre chenne. Derziit wohne ig z'Basel, ig zügler abr gärn zu Dir, wo au immr Du wohnsch. Mäud Di doch bitte ganz gly bi dr Sonja Ball. Sie het sich mir agno u suechet für mi das nöiie Plätzli. Ig fröie mi uf Di !

Din Willie



Katze sucht Mensch - Mensch sucht Katze

Sonja Ball

Tel.Nr. 079 333 45 62 (Mo-Fr 18-20h)

kontakt@katze-sucht-mensch.ch